

醫門摘要

二

8

i 78

F 1
4-129



醫門摘要卷之二

內經天度算法



六節藏象論云日行一度月行十三度而有奇焉
 按言日行一度晝夜百刻日者天度三百六十五度
 四分度之一行盡也天者三百六十五度四分度之
 一行盡而又一度行也故日之不及天一度也月行
 十三度有奇者晝夜百刻月者天度之行三百五十
 二度十六分七厘五毛而不及天度十三度有奇也
 有又也奇令也物奇令而餘殘也其令七分也細言
 則一度為十九分而其內取七分而言有奇也天日

490.9
I m
1

3冊
1-3

No. 2178
1918



富士川文庫

1359

月旋轉各有次第而不亂矣天自東左轉西日月亦同左轉而西天陽之至極也故其轉疾速而每日先日一度日次天又陽也後干天一度先月十二度零七分也陽進陰退天地之常也經曰故大小月三百六十五日而成歲按此言大數也細言則三十日一月大月也二十九日五十刻一月小月也故大月十二而三百六十日也此言日之一歲小月十二而三百五十四日三十七刻也此言月之一歲夫天之定數則三百六十五度四分度之一也此分六氣而六十日八十七刻半為一氣之數六氣合而三百六

十五日二十五刻也此言天之一歲經父舉大數而言三百六十五日而成歲經云積氣餘而盈閏矣按此亦舉大數而言之細言則氣餘歲氣之餘也日之一歲以三百六十日比天之一歲三百六十五日二十五刻則五日二十五刻餘分此言氣盈月之一歲以三百五十四日三十七刻比日之一歲三百六十日則月之一歲五日六十三刻不足此言朔虛氣盈朔虛合十日零八十八刻也是每歲之餘分也故曰氣餘此餘十九歲積而成七閏也

日與天會算法

經日月行十三度而有奇焉 按天度之定數三百六十五度四分度之一一度十九分四分度之一四分七厘五毛也晝夜百刻天者天度行盡而復一度行月者天度三百五十二度十六分七厘五毛行不定于天度十三度零七分故二十七日三十二刻零則後天度已三百六十五度零四分七厘五毛而月與天會細言則一日十三度零七分一刻二分五厘四毛十刻二十五分四厘百刻二百五十四分也十日百三十度零七十分也七十分三度十三分也百三十三度十三分二十日二百六十三度八十三分

八十三分四度零四分也三十日三百九十七度七十七分七十分三度十三分也二十分一度一分也四百一度零一分也三十日四百度零一度一分也天度三百六十五度四分七厘五毛合則過天度三十五度十五分二厘五毛也故三十日之數四百度零一度一分內三日之數四十度零零二分除則二十七度三百六十分度零八分二十七度之數以三百六十度零八分比天度三百六十五度四分七厘不足四度零五分七厘五毛也故二十七度之數加四度零零二厘二十七度三十分刻則二十七度三

十刻以天度言則三百六十四度十八分二厘二十
七日三十刻加三百六十四度十八分二厘以三百
六十五度四分七厘五毛則不足五分七厘五毛也
故二十七刻又加二刻五分零八毛一刻二分
四二十七刻三十二刻則二十七刻三十二刻度數
三百六十五度零四分二厘八毛也二十七刻三十
二刻比天度三百六十五度四分七厘五毛天度之
餘分四厘七毛也謂之零零四厘七毛一刻二分五
厘四毛以四厘七毛刻數二百五十四重則為四十
七刻一刻二分此四十七刻之補數也天之一歲十

九積則定數六千九百三十九日七十五刻此二十
七日三十二刻二百五十四重數也故十九歲而日
與天會二百五十四度也此二十七刻三十二刻二
百五十四重則百重二千七百三十二日也又百重
五千四百六十四日也五十重千三百六十六日也
四重百零九日二十八刻也右二百五十四重則六
千九百三十九日二十八刻以六千九百三十九日
比前十九歲定數六千九百三十九日七十五刻則
四十七刻不足此補四十七刻口傳云前天度之殘
四厘七毛此殘二百五十四重則四十七刻細言一

刻二分五厘四毛四十七刻百九十九分三厘八毛也百重則四十七分也又百重則九十四分也五十重則二十三分五厘也四重則一分八厘五毛也右二百五十四重則百十九分三厘八毛也卽四十七刻之數也十刻二十五分四厘二十刻五十分零八厘三十刻七十六分二厘四十刻百分零一分六厘一刻二分五厘四毛二刻五分零八毛三刻七分六厘二毛四刻十分零一厘六毛五刻十二分七厘六刻十五分二厘五毛七刻十七分二厘四毛右合而百十九分三厘八毛卽四十七刻也以此四十七刻

比前六千九百三十九日二十八刻成六千九百三十九日七十五刻卽天之十九歲之定數六千九百三十九日七十五刻也此十九歲中天與月會二百五十四度也

閏月算法

經曰積氣餘而盈閏矣言天之一歲三百六十五日二十五刻以六氣而言一氣六十日八十七刻半也日之一歲三百六十日大之月十二合而言日之一歲一月者二十九日五十三刻也月之一歲三百五十四日三十七刻也小之月十二合而言月之一歲

一月者二十九日五十三刻也細言小之月二十九日五十三刻十二合而三百五十四日三十六刻則一刻不足補此一刻口傳如左一月之定數二十九日五十三刻月一歲定數三百五十四日三十刻天之一歲三百六十五日二十五刻中日之一歲三百六十日除則天之數五日二十五刻餘是氣盈也以月之一歲三百五十四日三十七刻比日之一歲三百六十日則五日六十三刻不足此曰朔虛右氣盈朔虛合而十日零八十八刻是每歲之餘分也積而成閏月閏月者三歲而一月也然氣盈朔虛之數十

日零八十八刻三歲積則三十二日六十四刻也又以三十二日六十四刻比月之定數二十九日五十三刻殘三日十一刻也右氣盈朔虛之數十日零八十八刻十九歲積而成七閏則一月之定數二十九日五十三刻合而無餘分
十九歲七閏算法
氣盈朔虛之數合而十日零八十八刻十九歲積則二百零六日七十二刻也一月之定數二十九日五十三刻七月積則二百零六日七十刻也此一月之數七月積之數二百零六日七十一刻以氣盈朔虛

之數十日零八十八刻十九歲積則二百零六日七
十二刻除則一刻不足補一刻之不足如左前小之
月二十九日五十三刻十二合則一刻不足二分四
厘之中二分除而為一刻補其一刻之不足餘數五
毛也見于月與日會算法此五毛十九歲積則九厘
五毛也以九厘五毛月法一刻二分三厘五毛除則
一分四厘不足右一分四厘不足之筭如前月與日
會筭有每月二厘之零故閏月一月二十九日五十
三刻亦有零此二厘之零閏月七月積則成一分四
厘右一分四厘前五毛十九歲之積數九厘五毛合

則二分三厘五毛也右二分三厘五毛即月法之一
刻也加此一刻而前七月閏一刻不足補則二百零
六日七十二刻也即十九歲之全數二百零六日七
十二刻合而十九歲七閏也此內經天度之算法也
劉溫舒運氣論天度之行有與內經之行度進退之
前後然筭數相同可互考矣
十五運氣論筭法
日則晝夜行天之十度晝是運氣論之本文也六節
藏象論之釋義也言日行晝夜百刻之間天度三百
六十五度四分度之一中僅一度行也又運氣論云

月則晝夜行天之十三度有奇者謂復行一度之中作十九分分之得七此亦內經謂月行十三度而有奇焉之釋義也言月行晝夜百刻之中天度三百六十五度四分度之一之中十三度有奇行也一度作十九分而其言得七則十三度有奇者十三度零七分也又運氣論云大率月行疾速終以二十七日月行一周天言日者晝夜百刻僅一度行月者晝夜百刻速十三度有奇行故終以二十七日三十二刻一周天一周天度三百六十五度四分度之一行盡也又運氣論云是將十三度及十九分之七數總之

則二十九日計行天三百八十七度有奇言十三度及十九分之七數如前記總之二十九日總數積而三百八十七度有奇也又運氣論云計月行疾之數比日行遲之數則二十九日日方行天之二十九度言日行一度一日之數也二十九日積而二十九度也又運氣論云月已先行一周天三百六十五度外又行天之二十二度言日二十九日二十九度月二十七日三十二刻一周天終矣故二十九日外復二十二度行也細言則二十二度零八分二厘五毛也又運氣論云反少七度而不及日也言月二十七日盡

天度而二十九日復二十二度行日二十九日二十九
九度比月復行二十二度七度多故月少七度而不
及日也七度細言則六度十分零七厘五毛也運氣
論日月天之會氣盈朔虛閏月之筭皆內經同其餘
納音六呂六律交六氣日刻等之筭別有運氣筭法
之一書略焉

骨度

問人問云骨度尺寸得可聞乎曰骨度之尺寸靈樞
骨度篇云黃帝云願聞衆人之度人長七尺五寸者
其骨節之大小長短各幾何伯高云頭之太骨圍二

尺六寸胛圍四尺五寸腰圍四尺二寸髮所覆者顛
至頂一尺二寸髮以下至頤長一尺結喉以下至缺
盆中長四寸缺盆以下至髑髀長九寸髑髀以下至
天樞長八寸天樞以下至橫骨六寸半橫骨長六寸
半橫骨上廉以下至內輔之上廉長一尺八寸內輔
之上廉以下至下廉長三寸半內輔下廉至內踝長
一尺三寸內踝以下至地三寸膝脘以下至跗屬長
一尺六寸跗屬以下至地長三寸角以下至柱骨長
一尺行腋中不見者長四寸脇以下至季脇長一尺
二寸季脇以下至髀樞長六寸髀樞以下至膝中長

一尺九寸膝以下至外踝長一尺六寸外踝以下至
京骨長三寸京骨以下至地長一寸耳後當完骨者
廣九寸耳前當耳門者廣一尺三寸兩顴之間相去
七寸兩乳之間廣九寸半兩髀之間廣六寸半足長
一尺二寸廣四寸半肩至肘長一尺七寸肘至腕長
一尺二寸半腕至中指本節長四寸本節至其末長
四寸半項髮以下至背骨長一尺一寸半脊骨以下至尾
骶二十一節長三尺上節長一寸四分分之奇分
在下故上七節至於脊骨九寸八分分之七此衆人
骨之度也又門人問云骨度之尺寸十四經發揮之

穴處寸法其餘名家之分寸各自有不同如愚踈學
迷然而失津塗願子細受教示焉曰內經者雖大聖
之書曆數久而錯簡誤字間有之十四經發揮亦有
行文有誤字世之後進不得其至當亦不宜乎居吾
為汝言其梗槩如左經曰髮以下至頤長一尺髮者
前髮際也然本邦之俗多拔前髮際而為面飾故寸
法難為準又老人髮脫者亦寸法不分明因而考之
神應經云自眉心至大椎為一尺八寸明堂灸經云
如是患人先因疾患後脫落盡髮際或性本額項無
髮難憑取穴今定患人兩眉中心直上三寸為髮際

後取大椎直上三寸為髮際此寸法者神應經肩心
至大椎一尺八寸之寸法可為法矣經云結喉至缺
盆四寸馬註云巨骨之上陷中為缺盆亦穴名即足
陽明胃經穴也張註云舌根之下肺之上系屈曲外
凸者為結喉膺上橫骨為巨骨又云此以巨骨陷中
而即天突穴處按頤與結喉之間連接無上下之間
故不紀分寸矣經云缺盆以下至髑髀長九寸馬註
云髑髀骨名一名尾翳一名鳩尾蔽骨之端在臆前
蔽骨下五分人無蔽骨者從歧骨際下行一寸按馬
註髑髀骨名一名尾翳一名鳩尾其言則是也蔽骨

端云其言則不是也蔽骨則鳩尾骨也本藏篇云謂
無髑髀者心高是其骨之證也以骨之形言之則名
鳩尾以蔽心言之則名蔽骨名尾翳故考字書翳蔽
也氣府論王註云鳩尾心前穴也其正當蔽骨之端
言其骨垂下如鳩鳥尾形在臆前蔽骨下同身之五
分人無蔽骨者從歧骨下行同身寸之一寸新校正
云按甲乙經云一寸半為鳩尾處也十四經發揮云
鳩尾穴註云在蔽骨端言其骨垂下如鳩尾形故以
為名臆前蔽骨下五分也人無蔽骨者從歧骨下行
一寸愚因諸說而校之從歧骨下行一寸其骨之長

也蔽骨下五分其穴處也從歧骨至鳩尾穴處一寸五分也故甲乙經一寸半為鳩尾處謂鳩尾穴處也骨度之尺寸者非鳩尾之穴處鳩尾骨之端其處也十四經發揮鶻骹註鶻骹歧骨也此賢者之一失也鶻骹從歧骨下行一寸鳩尾骨也經云鶻骹以下至天樞長八寸按非斜取天樞穴直至臍中也至真要大論云歧伯云身半以上其氣三矣天之分也天氣主之身半以下其氣三矣地之分也地氣主之半所謂天樞也王註云身之半正謂臍中此直指臍中而曰天樞後世註者多言天樞之穴者反學者之疑路

也經云天樞以下至橫骨六寸半橫骨長六寸半馬註云橫骨即曲骨下張註云橫骨陰毛中曲骨也按此處二氏之註初學必迷之焉註曲骨穴之下一寸五分橫骨在處也張註言橫骨之形如却月故陰毛中曰曲骨兩是也夫橫骨之上任脉之曲骨穴也曲骨穴臍下五寸橫骨之上一寸五分也經云橫骨上廉以下至內輔之上廉長一尺八寸張註云廉臍際也內輔膝間內側大骨也亦曰輔骨圖翼云骨際曰廉膝旁之骨突出者曰輔骨內曰內輔外曰外輔此張註盡矣外無別解焉經云內輔之上廉以下至下

廉長二寸半張註云此言輔骨之上下之隅也經云
 內輔下廉至內踝一尺三寸馬註云內踝者足跟前
 兩旁起骨為踝在外為外踝骨在內為內踝骨經云
 內踝以下至地長三寸是仰人七尺五寸寸法當矣
 至于伏人之尺寸則經文有脫簡故後世學者往往
 誤焉或以側人之寸法混於伏人之寸法或以私見
 補聖經皆不知聖經之脫漏牽強附會而猥費辨悲
 哉經云髮所覆者顛至頂一尺二寸馬註云顛頭顛
 也顛之皮生髮髮所覆者即顛也顛至頂長一尺二
 寸張註云髮所覆者謂髮際也前髮際為額顛後髮

際以下為項按此分寸抵誤而不合骨度項者項骨
 之上廉入髮際五分瘖門其處也經云項髮以下至
 背骨二寸半張註云背骨除項骨之外以第一節太
 椎骨為言也滑氏太椎註云在第一椎上陷中外臺
 秘要卷一傷寒門註云太椎平肩斜齊高大者是也
 餘穴盡在節下云出黃帝鍼灸經愚按太椎對項骨
 小椎而曰大椎乎今按太椎小椎有可分知之寸法
 項骨三節轉頭則附頭而轉大椎附背骨而不轉可
 為證矣其餘定大椎之法有數說非短紙之所紀不
 明大椎則其餘下穴不安於其處學者思旃經云脊

骨以下至尾骶二十一節長三尺張註云脊骨脊骨也項脊骨共二十四節內除項骨三節脊骨自大椎而下至尾骶計二十一節共長三尺經云膝腠以下至附屬長一尺六寸張註云膝後曲處曰腠足面曰附附屬言足面前後皆附之屬也按此處尾骶以下至膝腠之尺寸腕簡矣尾骶至膝腠一尺五寸餘不足故補之則七尺五寸之全尺也學者勿州州焉經云角以下至柱骨長一尺按此以下側人之尺寸之法也馬註云耳上之旁為角肩胛之上廉會處為柱骨後髮際大筋外廉陷中張註云角頭側大骨耳上

高角也柱骨肩骨之頸項之根也經云行腋中不見者長四寸腋以下至季脇長一尺二寸馬註云肩下脇上際曰腋脇骨下為季脇張註云季小也按小脇可按而得前章門後京門也從心經極泉穴至章門長一尺二寸經云季脇以下至髀樞長六寸馬註云一名髀厭股外曰髀張註云大腿曰股股上曰髀樞骨之下太股之上兩骨合縫之所曰髀樞當足少陽環珙穴此處膽經有分寸牴牾宜參考矣經曰髀樞以下至膝中長一尺九寸張註云膝中言膝外側骨縫之次經云膝以下至外踝長一尺六寸外踝以下

至京骨長三寸京骨以下至地長一尺一寸按以上七尺一寸經文柱骨以下至大椎四寸之寸脫簡補之則側人七尺五寸之全寸也。有其餘橫圍之寸法經云頭之大骨圍二尺六寸按可當耳上枕骨而取之經云耳前當耳門者廣一尺三寸耳後當完骨者廣九寸兩顴之間相去七寸胸圍四尺五寸按可當乳上腋下取之兩乳間廣九寸半腰圍四尺二寸張註云平臍周圍曰腰人之肥瘦不同腰之大小亦異四尺二寸以中人之大畧言愚按張氏之言不快何混於周身之寸乎如張氏之言大小之人無分寸之可取

乎賢者之一失也經云兩髀之間廣六寸半橫骨長六寸半足長一尺二寸廣四寸半肩至肘長一尺七寸張註云肩肩端也先輩自頸根至肩髃穴長五寸肩髃至肘一尺二寸經云肘至腕長一尺二寸半字衍文乎用之則左右一寸長至中指本節長四寸中指本節至末四寸半按骨度人身縱橫皆為七尺五寸滑氏云老幼嬰孺皆然

大椎并挾脊法

門人問云大椎并挾脊之義有異說而如愚不能一決頃因宿學而問難彼醫云滑氏張氏共有理而存

兩用而可也然乎否也曰嗚呼是何謂也如汝之言
摸稜之手而不能一決亦不宜乎夫大椎之法出于
外臺秘要卷之一然挽而不發之言故初學者處處
疑思述其解如左外臺云平肩斜齊高大者不得侵
項分取之則非也第一椎上餘穴在節下大椎在節
上按或云大椎大於餘骨故曰大椎外臺高大者是
也予自少年有志于醫今已及耳順對病人而數脊
骨偶有三倍於餘骨者然百人之一二人耳豈聖人
示人以偶然為法聖人言常不言變豈對項骨小椎
曰大椎耳及其變而當醫在察識又外臺云不得侵

項分取之則非也以此証可知焉項骨三節附頭而
動大椎附脊骨而不動第一椎上陷中是外臺之意
而予亦和之又以尺寸言則眉心至大椎為一尺八
寸前髮際至柱骨為一尺二寸柱骨上廉至大椎為
三寸骨度云項至大椎二寸半此處甲乙經類經醫
學六要皆二字作三故後學分寸悵悟而大誤矣蓋
項至大椎二寸半項骨之上廉入髮際五分瘰癧其
處也骨度二寸半加五分則不改而三寸也項至大
椎三寸眉心至前髮際三寸前髮際至項一尺二寸
項至大椎三寸故神應經云眉心至大椎為一尺八

寸然則諸說之紛雜詳明而不一大快乎又問云眉上三寸以何寸乎曰骨度云前髮際至頤一尺其寸眉上三寸眉下至頤七寸也當以此寸為的矣又問云挾脊如何曰背腧篇云挾脊相去三寸所明堂灸經甲乙經十四經發揮之書皆去脊中兩傍各一寸半包脊骨而言之神應經類經圖翼除脊骨而言之泥挾字而言之靈樞張註云此自大腧至腎腧左右各相去脊中一寸五分故云挾脊相去三寸所也此註得本經之旨又圖翼云脊骨內滿一寸凡云第二行挾脊一寸半三行挾脊三寸者皆除脊骨一寸外

淨以寸半三寸論此註與本經之註大悞悞為何一
口兩舌乎明堂灸經天樞二穴挾臍兩傍各一寸此
挾臍與挾脊同意言脊中言臍中則中字有力言正
中古書多畧字故後世之學者紛然而費言惜哉痛
哉先輩常談云素難之書醫之大經大法也然非供
雙眼者則不能探其正脉凡讀書熟讀本經而勿任
註解多為註解所誤又問如教示則諸書註解不見
而可也乎嗚呼汝之言誤矣諸書註解學者之一助
也何棄之哉勿誤矣內經挾脊中之畧中之字故名
家往往誤畢內經張註雖補中之字亦在圖翼則誤

云去脊骨一寸為一寸半何謂也又問內經以下名家皆點節下張氏獨點節中且以魚骨為證如何也曰此亦張氏之誤也魚骨與入骨不同且背腧篇云背中大腧在杼骨之端肺腧在三焦之間心腧在五焦之間云內經之端字間字非節下而為如何乎也此皆張氏鹿略也

中古經穴各書對外世之學皆然然而實言則如手太陰肺經十一穴脊中言中限中平百氏言五中府在雲門下一寸乳上三肋間動脈應手陷中按在任脈華蓋傍六寸曰雲門下一寸曰動脈應

手曰陷中則寸法暫舉大概因分寸尋陷中從陷中可求動脈所在也凡肉虛處脈氣聚則主在動脈凡取穴法後倣之

雲門 在巨骨下挾氣戶傍二寸陷中動脈應手舉臂取之 按巨骨膺上橫骨而非大腸經巨骨穴氣戶陽明胃經穴而任脈璇璣傍四寸則雲門去中行六寸也

天府 在腋下三寸臑內廉動脈中 按肩肘間內日臑外日臑此處肺經心包經心經三經行腋下肺經行橫紋前不入腋下心包經行心經與肺經之間

心經入腋正中極泉而下各有歸處宜參考矣
俠白在天府下去肘五寸動脈中按尺澤上五
寸
尺澤在肘中約文上動脈中按臑與臂約束處
故曰約文也文字與紋字通上字為位字看
孔最去腕上七寸按自尺澤至腕一尺二寸半
此骨度之寸法則在尺澤下五寸五分
列缺去腕側上一寸五分以手交叉食指末筋骨
罅中絡穴是也按又說文云手指相錯也罅禮部
韻云孔隙也此自肺經行大腸經之絡穴也此穴在

腕側上踝中古今醫統云人或寸關尺三部脈不
見自列穴至陽谿脈見者俗謂反關脈此經虛而絡
脈滿
經渠在寸口陷中按寸口三部通言別言則關
正中也入門云寸口下近關上脈中
大淵在掌後陷中按本輪篇云大淵魚後一寸
然則別稱寸口之正中也
魚際在大指本節後內側散脈中按本節後內
側近腕中故在散脈中云
少商在大指端內側去爪甲如韭葉白肉宛々中

按宛々詩宛丘註宛々四方高中央下韭葉猶言一分手陽明大腸經二十一穴

商陽 在手大指次指內側去瓜甲角如韭葉按凡陽經行陽分故行食指上廉赤肉分

二間 在手大指次指本節前內側陷中 按二穴三間 在手大指次指本節後內側陷中 按二穴

食指本節前後內側陷中 按三指本節前內側陷中 按二穴合谷 在手大指次指歧骨陷中 按伸反大指則

陽谿 在腕中上側兩筋間陷中 按伸反大指則在兩筋中可點腕中央

偏歷 在腕中後三寸 按自陽谿至曲池直引可

點 溫溜 在腕後小士六寸大士五寸 按此註不合

骨度老幼嬰孺皆七尺五寸則何曰大士小士乎大

人小兒通可腕後為六寸此一名蛇頭取溫溜之法

堅握掌伏手以拳向上張腕則腕後微凹自肘方而起肉出其形如蛇頭故名蛇頭

下廉 在輔骨下去上廉一寸 按上廉前一寸相當曲池下四寸足陽胃經亦有下廉上廉三里名故於胃經加巨虛二字以別之

上廉 在三里下一寸 按曲池下三寸
 三里 在曲池下二寸 按之肉起
 曲池 在肘外輔骨屈肘曲骨之中以手拱胸取之
 按肘外日輔骨拱禮部韻云又手此穴自橫紋推
 至歧骨其處也入門肘橫紋之盡處誤也
 肘髎 在肘大骨外廉陷中 按此穴曲池五里之
 正中越大骨之外廉也
 五里 在肘上三寸行向裏大脉中央 按此穴
 處肘髎骨外此穴曲池之行而向裏大脉非動脉大
 肉脉也肘髎向外五里向裏日髎後至曲池直下

臂臑 在肘上七寸 按直曲池上

肩髃 在肩端兩骨間陷中舉臂有空 按上有巨

骨穴後有秉風不可混

巨骨 在肩端上行兩又骨間陷中 按自肩髃直

上行歧骨之間也上並天髎兩又骨肩前骨背大骨

兩骨解也

天髎 在頸缺盆扶突後一寸 按此註後字當作

下字

扶突 在氣舍後一寸五分仰而取之又云在入迎

後一寸五分 按滑氏舉一說無所發明以入迎後

可為正圖翼云在頸當曲頰下一寸甲乙經云在入
迎後一寸五分仰取之按滑氏扶突後為天鼎後
字下字誤也天鼎扶突下一寸也

禾膠 在鼻孔下挾水溝旁五分
迎香 在禾膠上一寸鼻孔旁五分

承泣 在目下七分直瞳子

四白 在目下一寸直瞳子
巨膠 在鼻孔旁八分直瞳子按並于迎香

地倉 挾口吻旁四分

大迎 在曲頰前一寸三分

頰車 在耳下曲頰端陷中按曲頰曲頰同又名

頰車牙車曲牙

下關 在客主人下耳前動脈下廉合口則有空開

口則閉按客主人瞻經穴一名上關在耳前起骨

上廉銳髮下廉開口有小空此穴後有聽會上右

關多混雜耳前有進退骨開口此骨退覆下關穴合

口則進覆聽會穴宜子細

頭維 在額角髮際本神旁一寸五分神庭旁四寸

五分 按本神胆經穴在曲差旁一寸五分入髮際

四分神庭旁三寸神庭在直鼻上入髮際五分去中行四寸五分也

人迎 在頸大脉動應手挾結喉旁一寸五分

水突 在頸大筋前直人迎下氣舍上一按入門云

人迎下氣舍上二穴之中

氣舍 在頸直人迎下挾天突陷中按天突分寸

滑氏任脉註曰結喉下一寸一字當四字誤仰人圖

云結喉至缺盆四寸則骨度篇正文不可誣故宜作

天突在結喉下四寸宛々中直人迎下則任脉旁寸

半也

缺盆 在肩下橫骨陷中按馬氏去中行寸半大

誤也如馬氏分寸混于氣舍滑氏曰自氣戶至乳根

去中行各四寸而不與缺盆者以缺盆不可按胸部

也又曰氣舍直人迎下挾天突則氣舍為去中行一

寸半而缺盆去中行四寸明

氣戶 在巨骨下俞府旁二寸陷中按俞府腎經

穴在巨骨下璇璣旁二寸陷中則氣戶去中行四寸

也

庫房 在氣戶下一寸六分陷中仰而取之按言

一寸六寸者各言隔一骨不可泥分寸胃經腎經穴

橫並在任脉不拘分寸

屋翳 在庫房下一寸六分陷中仰而取之

膺窗 在屋翳下一寸六分陷中

乳中 當乳是 按醫統云乳中當乳之中央入門

云乳中即乳頭上此穴點乳內廉

乳根 在乳下一寸六分陷中仰而取之

不容 在幽門旁相去各一寸五分 按幽門腎經

穴而在巨關在臍上六寸旁五分則去中行二寸也然滑

氏細註曰自不容至滑肉門去中行三寸本註前後

有牴誤甲乙經類經皆用去中行二寸則細註三字

當作二傳者之誤也一說云一寸五分一字二字誤也又通

承滿 在不容下一寸 按挾在脉上腕

梁門 在承滿下一寸 按挾在脉中腕

關門 在梁門下一寸 按挾在脉建重

太乙 在關門下一寸 按挾在脉下腕

滑肉門 在太乙下一寸下挾臍 按挾在脉水分

天樞 在挾臍二寸

外陵 在天樞下一寸

太巨 在外陵下一寸

水道 在大巨下三寸

歸來 在水道下二寸

氣衝 一名氣衝在歸來下鼠鼯上一寸動脈應手

宛々中 按針經摘英云在天樞下八寸則歸來下

一寸也

馬氏云鼠鼯橫骨盡處愚按骨度自天樞至橫骨六寸半此文橫骨上廉也上廉至下廉一寸此一寸屈曲而不與仰人之分寸鼠鼯羊矢同圖翼羊矢細註云羊矢在陰旁股內約紋縫中皮肉間有核如羊矢自此上一寸歸來下一寸也去中行一寸

髀關 在膝上伏兔後交文中一作交分按交分者言

所肉之分開張氏云在膝上一尺二寸

伏兔 在膝上六寸跪坐而取之一云膝蓋上七寸

按言膝蓋上七寸者自膝角下蓋有一寸云爾

陰市 在膝上三寸伏兔下陷中拜而取之 按拜

而取之者合兩膝跪坐則自如拜云爾

梁丘 在膝上二寸兩筋間

犢鼻 在膝下斷骨上骨解大筋中 案膝臏下

有窟空是膝眼也膝眼下有起骨是犢鼻骨也

三里 在膝眼下三寸斷骨外大筋內宛々中舉足

取之極重按之則跗上動脉止矣按膝眼穴名也
 張氏奇俞部云膝眼在膝頭骨下兩旁陷中此間自
 犢鼻至解谿不離胫骨又不乘胫骨宜取于胫骨外
 廉陷中故云胫骨外

巨虛上廉 在三里下三寸舉足取之

條口 在下廉上一寸舉足取之按上廉下二寸

也

巨虛下廉 在上廉下三寸舉足取之按此穴膝

下九寸

豐隆 在外踝上八寸下胫外廉陷中別走太陰

按凡自膝眼至下廉九寸今滑氏云豐隆踝上八寸
 則對於條口胃經絡穴也自三里別出絡穴也

解谿 在衝陽後一寸五分腕上陷中

衝陽 在足跗上五寸骨間動脉去陷谷三寸按

骨度云足掌長一尺二寸足太指次指至跗上五寸

也仲景所謂跌陽穴也

陷谷 在足太指次指間本節後陷中按太指次

指本節後點外傍

內庭 在足太指次指外間陷中按太指次指本

節前外側也

厉兌 在足大指次指去瓜甲如韭葉 聚英作瓜甲角

足太陰脾經二十一穴 隱白 在足大指內側端去瓜甲如韭葉

大都 在足大指本節後陷中 按醫網後字作前

字是也核骨前廉後字則混于太白

太白 在足內側核骨下陷中 按核骨言大指本

節後內側圓骨核骨下廉太白穴也

公孫 在足大指本節後一寸別走陽明 按核骨

後

商丘 在足內踝下微前陷中 按在內踝下廉之

前二分許圖翼云前有中封後有照海此穴居中

三陰交 在內踝上三寸骨下陷中 按骨下斷骨

下廉肝腎脾三經交會之穴故曰三陰交

漏谷 在內踝上六寸骨下陷中

地機 在膝下五寸 按踝上一尺一寸也

陰陵泉 在膝下內側輔骨下陷中伸足取之 按

仰人骨度曰內輔上廉至下廉三寸半內輔下廉至

內踝一尺三寸則陰陵泉在膝中下三寸

血海 在膝臏上內廉白肉際二寸中 按肝經上

自曲泉而出于衝門也脾經亦上自血海而出于衝

門不可混而取之肝經陰包在後脾經血海在前二
 經可參考也甲乙經作二寸半內輔上廉也
 箕門一在魚腹上越筋間陰股內動脈中 按入門
 云箕門血海上六寸
 衝門 上去大橫五寸在府舍下橫骨端約中動脈
 按自此入腹部大橫臍旁去中行各四寸半衝門
 亦四寸半骨度天樞至橫骨之上廉六寸半則分寸
 抵脤宜參考矣
 府舍 在大橫下三寸 按衝門上七分也
 腹結 在大橫下一寸三分

大橫 在腹哀下三寸五分直臍旁 按此註三寸
 五分誤也當作四寸腹哀任脈中腕旁也衝門至干
 腹哀諸穴去中行各四寸半
 腹哀 在日月下一寸五分日月見足少陽經 按
 日月期門下五分期門足厥陰穴中行巨闕旁四寸
 五分
 食竇 在天谿下一寸六分舉臂取之
 天谿 在胸鄉下一寸六分仰而取之
 胸鄉 在周榮下一寸六分仰而取之
 周榮 在中府下一寸六分仰而取之 按已上四

